

淨妙色同無量力同堅精進同正法音同語
言道同諸功德同清淨業同清淨報同清淨
大悲救護一切同清淨業不違因緣同清淨
口業於一切佛眾隨其所應悉為說法同恭
敬供養諸佛同決定知一切諸法同得菩薩
清淨諸地此諸菩薩取我器食於一念頃遍

遊十方供養一切眷聞緣覺菩薩諸佛及施
餓鬼悉令滿足而我器食無所損減善男子
我此器食隨應諸天悉令充滿乃至施人亦
復如是善男子且待須臾汝自見之善財即
見無量人眾從四門入彼優婆塞皆令安坐
隨所適樂悉令充悅善男子我唯得此無盡
功德藏莊嚴法門諸大菩薩無盡功德藏海
猶如虛空以無量功德重修其心如隨意寶
滿足一切眾生願故大功德城悉滅一切諸
貧苦故功德須彌兩眾寶故大功德藏開法
城門故功德燈明滅貧暗故大功德蓋勝妙
善根覆一切眾生故我當云何能知能說彼

功德行善男子於此南方有城名曰大興彼
有長者名甘露頂汝詣彼問云何菩薩學善
薩行修菩薩道時善財童子頭面禮足遶無
數而憶念不捨辭退南行

大方廣佛華嚴經卷第卅九

垂

大方廣佛華嚴經卷第五十

垂

東晉天竺佛陁跋陀羅譯
入法界品第三十四之五

尔時善財童子得無盡功德光明法門正念
思惟彼功德海觀察彼虛空功德趣彼功德
聚登彼功德山攝彼功德藏盡彼功德底度
彼功德海淨彼圓滿功德周遍觀察彼諸功
德隨彼功德藏持彼功德教淨彼功德性漸
漸遊行至大興城周遍推求長者甘露頂樂

求善知識以善知識熏其身心於善知識起
正直心觀善知識常無厭足學善知識勇猛
精進求善知識一切善根同善知識一切善根
於善知識無嫌恨心滿功德藏學善知識種
種方便雖不由他悟而常親近諸善知識長
諸善根淨修菩提正真之心增長一切善善諸

根成就一切善根滿足大願發廣大悲近一切
智不離諸佛增長普賢菩薩所行如來光明
常照其心今時善財見甘露頂於彼城內處
七寶堂阿僧祇寶師子座上金剛伊尼羅寶
以為座足離垢寶藏而以校飾五百寶像以
為莊嚴建眾寶幢垂寶網幡張眾寶帳無量
網羅覆其上有人手執閻浮檀金蓋琉璃為
于復有執持離垢寶拂侍立左右眾妙雜香
而以熏之雨天華雲作五百種勝妙伎樂娛
樂城內一萬天眾周匝圍遶願容姝妙天人無
倫成就善善直心莊嚴眾生悉常隨順甘露
頂教宿世同修諸善根故今時善財頭面禮

足遶無數市恭敬合掌於一面住白言大聖我
為利益一切眾生故發阿耨多羅三藐三菩提
心所謂滅一切眾生苦惱今安隱住究竟快樂
度生死海到法寶洲銷竭貪愛修大悲念除
五欲渴樂一切智今究竟度生死曠野常樂
一切諸佛功德超出三界至薩婆若城而未

知善善云何學善善行修善善道攝一切眾
生者答言善哉善哉童子乃能發阿耨多羅
三藐三菩提心若能發心學善善道修善善
行此人難得求善知識見善知識親近恭敬
於善知識其心不退而無厭足善男子汝見
我此一方眷屬不唯然已見我本為彼說種
種法今發阿耨多羅三藐三菩提心生如來
家修白淨法滿足無量諸波羅蜜具佛十力
離世間姓立如來姓壞生死輪轉淨法輪滅
三惡道立正法趣善男子當知善善悉能救
護一切眾生善男子我成就此如意功德寶
藏法門隨其所須悉滿彼願謂以眾寶車乘

象馬僮僕衣服飲食香華末香燈明湯藥幢幡繒蓋隨意眷屬天冠寶飾一切珍玩資生之具盡給施之乃至以法廣施衆生善男子且待須臾汝自見之即時善財見諸方國城邑聚落一切衆生來詣其所悉命今坐時甘露頂仰視虚空隨諸來會一切所須悉從空

下滿足其願既充願已爲說正法悉令長養諸功德藏消生死愛渴仰佛法乃至具足大人味味之相滅貧窮苦富甘露財降伏衆魔無能壞者成就十力無上智慧如是等類悉滿願已皆大歡喜隨所來方各還本處善男子我唯如此如意功德寶藏法門諸大菩薩

具足一切自在功德成就寶手覆一切刹雨無量雲謂衆寶雲種種色莊嚴雲種種色寶天冠雲種種色衣雲種種妙聲雲種種華雲種種周羅摩尼寶雲種種色香雲種種色蓋雲種種色幢幡雲皆悉充滿一切世界一切佛刹一切諸佛及其眷屬爲教化一切衆生

今供養一切佛故我當云何能知能說彼菩薩行顯其自在善男子於此南方有城名師子重閣彼有長者名法寶周羅汝詣彼問云何菩薩學菩薩行修菩薩道時善財童子歡喜踊躍頭面敬禮遶無數帀如弟子法作如是念因善知識得一切智於善知識生無壞

心聞善知識教悉能隨順調伏諸根作是念已辭退南行介時善財童子正念如意功德寶藏法門守護彼功德藏淨彼功德須彌山王得彼功德海之源底開彼功德藏觀彼功德藏圓滿清淨彼功德藏攝彼功德藏出生長養彼功德藏力漸漸遊行至於彼城周遍

推求長者法寶周羅於道遇見頭面禮足合掌恭敬於一面任白言大聖我已先發向釋多羅三藐三菩提心而未知菩薩云何學菩薩行修菩薩道時彼長者執善財手將歸其家善男子且觀我家介時善財遍觀舍宅悉閻浮檀金色七寶爲牆周匝圍遶琉璃莊嚴

車乘為柱敷赤真珠寶師子座建師子寶幢
 張瑠璃寶帳如意珠羅網覆其上阿僧祇寶
 而莊嚴之馬瑠璃寶池八功德水盈滿其中一
 切寶樹周遍圍遶其宅廣大十重八門介時
 善財見最下重設眾餽饌慧施一切見第二
 重施雜寶衣見第三重施慧一切寶莊嚴具

見第四重施內眷屬悉履善行巧於語言見
 第五重乃至五住菩薩雲集其中結集正法
 離世間樂出一切論諸陀羅尼三昧法印分
 別三昧智慧光明見第六重得般若波羅蜜
 菩薩充滿其中具甚深智得寂靜明智慧藏
 地無礙法門超出三有境界無礙念不二法

結集般若波羅蜜門分別解說般若波羅蜜
 門所謂寂滅藏般若波羅蜜門分別一切眾
 生般若波羅蜜門不動轉般若波羅蜜門離
 欲普照般若波羅蜜門不可壞藏般若波羅
 蜜門一切眾生淨眼般若波羅蜜門海藏般
 若波羅蜜門普眼般若波羅蜜門一切無盡

方便海般若波羅蜜門隨順眾生普照無礙
 般若波羅蜜門慶雲漸下般若波羅蜜門結
 集如是等百万阿僧祇般若波羅蜜門彼菩
 薩眾不可說莊嚴而莊嚴之見第七重響忍
 菩薩充滿其中出方便智悉能聞持諸佛法
 雲見第八重常住菩薩充滿其中具諸神通

遍一切剎照一切眾生一切法界具足法身
 詣一切佛無所障礙悉能受持一切佛法見
 第九重補處菩薩充滿其中見第十重一切
 如來充滿其中從初發心修菩薩行超出生
 死滿足大願神力自在一切佛刹及其眷屬
 轉淨法輪化度眾生顯現住持介時善財見

如是等奇特事已白言大聖我未曾見如是
 清淨大眾昔於何處種諸善根今得如是勝
 妙果報善男子我憶過去無量光明法界普
 莊嚴王如來應供等正覺明行足善逝世間
 解無上士調御丈夫天人師佛出尊出興于
 世彼佛入城我以香華伎樂而供養之供養

已持此善根迴向三處謂滅除貧苦常見諸佛菩薩及善知識恒聞正法故獲斯報善男子我唯知此滿足大願法門諸大寶海菩薩得不可壞清淨法身不可壞法雲普覆一切具足成就不可壞功德不可壞大功德網普覆一切入不可壞三昧境界具足菩薩不可

壞善根住不可壞如來所住不可壞智慧究竟三出住一切劫而無疲倦住不可壞普眼境界地我當云何能知能說彼功德行善男子於此南方有一國土名實利根城名普門彼有長者名普眼妙香汝詣彼問云何菩薩學菩薩行修菩薩道時善財童子頭面敬禮

法寶周羅足已解退南行今時善財童子思惟諸佛無量法門逮得菩薩無量諸行菩薩無量妙方便道普照身心樂求無量方便法門成就善薩清淨解脫菩薩無量清淨諸根菩薩無量諸清淨力心隨菩薩無量諸行出生善薩無量大願力逮得菩薩不可沮壞妙

智慧幢普照一切漸漸遊行至於彼國求普門城心無休息精進不退念善知識讚善知識隨順善知識諸根專向普門法門遠離一切諸放逸行開淨慧眼度生死海見普門城百千小城周匝圍遶高峻堅固妙巧無比種種莊嚴普眼妙香長者於此城中坐眾香塵

往詣其所頭面禮足恭敬合掌於一面住白言大聖我已先發阿耨多羅三藐三菩提心而未知菩薩云何學菩薩行修菩薩道答言善哉善哉善男子乃能發阿耨多羅三藐三菩提心善男子我知一切眾生病風寒熱病及諸雜病枉橫病鬼著病毒病諸呪術病如

是等類一切諸病我悉了知隨其所應皆能療治善男子十方眾生病者來詣我所我悉能治除其患已沐浴香湯香華瓔珞名衣上服而莊嚴之餽饍飲食而供養之無量珍寶而惠施之然後為說種種法門貪欲多者教不淨觀瞋恚多者教慈心觀愚癡多者

教法相觀等分行者教勝法門稱揚讚歎諸佛功德發善提心故說長養大悲於無量生死苦心不厭故分別廣說諸波羅蜜長養無量淨智慧故說諸大願教化成就一切衆生故說普賢菩薩行顯現清淨尸波羅蜜故說不可思議如來功德顯現義提波羅蜜故說

如來無壞清淨法身顯現毗梨耶波羅蜜故說如來無與等者顯現如來禪波羅蜜故說清淨法身顯現般若波羅蜜故說一淨法身今一切衆生皆悉觀見顯現方便波羅蜜故說於生死中住一切劫顯現願波羅蜜故說嚴淨一切佛刹顯現諸力波羅蜜故說淨法

身隨其所應悉令歡喜顯現智波羅蜜故說常樂見清淨法身遠離一切不善法故善男子我以如是等種種法施悉令滿足歡喜而還善男子我又善知和衆香法所謂不可稱王香新頭香勝香覺香明相香沉水香堅固香栴檀香雲香不動諸根香知如是等一切

諸香燒此香時一心向佛發大誓心滿一切願所謂救護一切衆生嚴淨一切佛刹恭敬供養一切諸佛乃至燒一丸香時充滿十方一切法界一切如來及其眷屬香帳莊嚴一切法界香宮殿香垣牆香樓閣香欄楯香却敵香窓牖香半月香蓋香幢香幡香網香形

像香光明香莊嚴具香雲雨莊嚴十方一切法界一切諸佛及其眷屬善男子我唯知此今一切衆生歡喜普門法門見一切佛耳諸大藥王菩薩若有聞見親近憶念執持名号皆悉不虛其有見者煩惱悉滅得諸如來法之原底滅除苦陰永離一切生死恐怖得無

所畏具一切智破壞無量生死高山安住正法我當云何能知能說彼功德行善男子於此南方有城名曰滿幢王名滿足汝詣彼問云何菩薩學菩薩行修菩薩道時善財童子頭面敬禮普眼妙香長者遠無數而辭退南行尔時善財童子次第憶念諸善知識正念

思惟善知識教復作是念善知識者能攝取
我能守護我今我不退阿耨多羅三藐三菩
提如是思惟得大歡喜心無量歡喜心發清
淨心寂滅心廣大心莊嚴心無著心無礙心
虛空心見諸佛菩薩心自在心順諸法心於
一念中充滿一切佛利心見如來心念十力

心不捨諸佛善知識心漸經人眾城邑聚落
至滿幢城問滿足王今在何所有人答言今
在正殿行於王法教化眾生應攝取者而攝
取之應罰者罰應治者治諸有諍者斷其諍
訟有恐怖者施以無畏讚歎不殺不盜不邪
婬不妄言不兩舌不惡口不無義語無貪恚

癡今時善財遙見彼王處金剛師子座阿僧
祇寶而以莊嚴無量寶像以為莊飾種種香
雲而普熏之無量寶衣以敷其上又復建立
無量寶幢無量寶幡周遍垂下張眾寶帳頂
冠如意摩尼寶冠間浮檀金半月莊嚴綵紺
清色可普垂璉身佩無價摩尼瓔珞百千寶

網羅覆其上閻浮檀金蓋眾寶為鈴常出妙
音瑠璃為竿夜光寶藏普照諸方彼滿足王
有大勢力離諸怨敵無量自在一萬大臣各
處常位修理王事勇將一萬持仗侍衛今時
善財見無量眾生犯王法者身被五縛或斷
手足或截耳鼻或挑雙目或斬身首或投沸

灰或甕經油灌以火焚之如是等無量楚毒
而苦治之今時善財作如是念我為一切眾
生故學菩薩行修菩薩道今見此王行大惡
逆諸不善法此乃惡中之惡第一惡人作是
念時虛空有天而告之曰善男子汝當憶念
普眼妙善善知識教善財即時仰觀虛空而
答之言我常憶念天又語言若常憶念何故
疑怪善男子菩薩方便不可思議菩薩智慧
不可思議攝取眾生不可思議調伏眾生不
可思議教化眾生不可思議愍念眾生不可
思議度脫眾生不可思議今時善財聞天教
已詣彼王所頭面禮足白言大聖我已先發

阿耨多羅三藐三菩提心而未知菩薩云何學菩薩行修菩薩道時滿足王王事訖已手執善財將入宮內命就寶師子座而告之曰

善男子汝觀我家善財即觀廣大無極七寶垣牆周匝圍遶七寶講堂無量百千眾寶樓閣而莊嚴之乃至不可思議摩尼寶網羅覆

其上五百侍女端嚴如天如上所說善男子見我此報所因業不荅言已見善男子我成就菩薩幻化法門我此國土殺生偷盜乃至

邪見諸群生類不可教化離諸惡業我為調伏令解脫故化作人眾種種苦治令捨十不善道一切諸惡具足十善得究竟樂發阿耨

多羅三藐三菩提心具一切智善男子當知我身口意乃至蟻子不生害心何況人耶人是福田生諸善根善男子我唯知此幻化法

門諸大菩薩得無生忍知一切有趣皆悉如幻知菩薩行悉如變化一切世間悉如電光一切諸法皆悉如夢深入無礙法界具菩薩

妙行境界無礙攝一切行於無量旋陀羅尼而得自在我當云何能知能說彼功德行善男子於此南方有城名曰善光王名大光汝

詣彼問云何菩薩學菩薩行修菩薩道時善財童子頭面禮足遶無數而辭退南行尔時善財童子一心正念彼王智慧幻化法門觀

一切法皆悉如幻分別諸業尋求正法一心思惟彼王變化救度眾生思惟世間一切如幻分別了知三世願行悉如幻化入淨法界

漸經人眾聚落城邑曠野諸難心無疲倦至善光城問眾人曰此城何名荅言善光尔時善財作如是念我善知識在此城中我今必

定見善知識聞菩薩行菩薩正法及諸法門菩薩功德不可思議境界不可思議自在不可思議平等法門不可思議勇猛之力不可

思議我今必聞菩薩究竟境界作是念已入善光城見城七寶無量莊嚴七重深塹周匝圍遶八功德水盈滿其中底布金沙優鉢羅

鉢曇摩拘半頭分隨利華遍滿其中七寶垣
牆七重圍遶所謂金剛師子垣牆不可壞金
剛垣牆精進金剛垣牆不可壞精進垣牆無
底金剛垣牆淨網垣牆離欲清淨金剛垣牆
是七重牆阿僧祇寶而在嚴之其城奇特高
峻廣大十億街巷一一街巷各有無量億那

由他阿僧祇人衆阿僧祇閻浮檀金樓閣瑠
璃寶網羅覆其上不可思議白銀樓閣赤真
珠網羅覆其上不可思議瑠璃樓閣莊嚴藏
摩尼寶網羅覆其上不可思議頗梨樓閣離
垢摩尼寶藏網羅覆其上不可思議明淨寶
樓閣日藏摩尼寶網羅覆其上阿僧祇因陀

尼羅寶樓閣妙寶光明網羅覆其上阿僧祇
堅固寶樓閣夜光寶炎網羅覆其上不可思
議金剛樓閣不可壞幢摩尼寶網羅覆其上
不可思議沉水栴檀樓閣摩訶曼陀羅華網
羅覆其上如是等不可稱說妙寶樓閣以種
種網羅覆其上妙寶網不可思議金鈴網不

可思議香網不可思議華網不可思議衣網
羅覆其上又張不可思議諸妙寶帳不可思
議珍妙寶蓋以覆其上建立不可思議雜寶
幢幡而在嚴之當此城中有一樓閣名曰衆
生樂見無厭阿僧祇摩尼寶而以在嚴彼大
光王常處其中介時善財於此一切嚴飾珍

妙心無深著一心樂欲見善知識見大光王
處於法堂寶師子座結跏趺坐衆寶莊嚴敷
以寶衣万阿僧祇寶像以爲莊嚴種種伎樂
而娛樂之有二十八大人之相八十種好而
以在嚴身真金色如明淨日普照一切如盛
滿月衆宿中明如梵天王處於大衆如大海

中有衆珍寶如雪山中出諸良藥如大龍王
雷震諸法寶相音聲如虛空清淨不受塵垢
如須彌山四種寶色普照衆生性海譬如寶
洲智寶充滿彼王殿前及諸街巷城四門外
處處女置衆珍寶聚及諸寶衣無量億那由
他諸采女衆容飾端嚴五欲無倫姿好巧妙

迴動天人六十四術無不備舉無量乳牛其
角金色乳味甘香一穀一石又有無量諸莊
嚴具種種甘香百味餽饌無量音樂及諸湯
藥資生之具一一街巷兩邊各有二十億善
薩以此一切資生之具而用惠施攝眾生故
悅眾生故淨眾生心故滅眾生煩惱故今衆

生解實義故安立衆生一切智故今衆生離
惡心故拔出衆生邪見刺故淨衆生業道故
亦時善財五體敬禮大梵王已右遶一而於一
面住白言大聖我已先發向釋多羅三藐三
菩提心而未知菩薩云何學菩薩行修菩薩
道我聞大聖善能解說唯願敷演各言善男

子我成就善薩大慈幢行清淨滿足我於無
量不可說不可說諸佛菩薩所聞此妙法觀
察清淨修習莊嚴善男子我住此行如法治
國觀衆生順行世間如法教化衆生攝取衆
生安置衆生饒益衆生如法熏衆生如法教
衆生今修善根觀法真實今諸衆生得慈心

大慈心大慈力心饒益心離恐怖心攝衆生
心不捨衆生心發於大願滅諸苦心安隱衆
生今得快樂身心柔軟遠離心垢捨生死樂
常樂正法除煩惱垢得清淨心以一切善熏
衆生心斷生死流入深法海滅諸有趣出無
礙心得一切智淨諸心海信力堅固無能壞

者善男子我以如是安住此行如法治國今
諸人民離衆怖畏有貧窮者來至我所隨所
求索常開庫藏而告之曰恣意取之勿作衆
惡此城衆生悉向大乘各見此城種種不同
或見垢穢或見清淨或見木石或見瑠璃或
見無壞幢幡周而圍遶或見不可思議樓閣

阿僧祇寶而以莊嚴以正直心修諸善根於
諸佛所求一切智為我宿世所攝衆生修善
薩行者乃見此城衆寶嚴淨餘見垢穢善男
子此城衆生五濁惡時行諸不善我愍念彼
入於菩薩大慈為首順世三昧入此定時彼
諸衆生惡心惱心諍心害心皆悉除滅所以

者何此三昧力法如是故善男子且待須臾
汝自見之時王即入大慈為首順世三昧入
已善光大城六種震動諸寶垣牆樓閣宮殿
欄楯窓牖却敵半月寶鈴羅網諸寶形像出
妙音聲讚歎彼王其城內外一切人民皆大
歡喜一心合掌敬禮彼王諸畜生等慈心相

向亦禮彼王山原樹林皆悉曲躬而向彼王
河池泉流皆悉向王一万龍王與黑重雲雷
震曜電雨衆香水一万釋天王夜摩天王刪
毘率天王化自在天王他化自在天王等於
虛空中作億那由他伎樂音聲阿僧祇天婁
女衆妙音歌頌雨阿僧祇華雲香雲末香雲

鬘雲蓋雲雜色衣雲阿僧祇寶幢幡蓋莊嚴
虛空供養彼王伊那槃那龍王敷大蓮華普
覆虛空垂阿僧祇妙絲綵帶阿僧祇寶而在
嚴之阿僧祇寶瓔珞天莊嚴具諸妙華香
充滿虛空供養彼王阿僧祇天女充滿虛空
稱讚彼王阿僧祇羅刹鬼等常在大海閻浮

提住飲血食肉水陸惡獸常害衆生皆得慈
心及寂靜心明信後世遠離諸惡心大歡喜
五體投地敬禮彼王皆得無量身心快樂阿
僧祇毗舍闍鬼及四天下毒害衆生三千大
千世界乃至十方各百万億那由他世界中
毒害衆生亦復如是時大光王從三昧起告

善財言善男子我唯知此菩薩大慈幢行三
昧諸大菩薩以大慈蓋普覆救護一切衆生
上中下品等觀無二慈如大地載百衆生善
薩滿月出功德光除衆惱熱菩薩淨日智慧
光明普照一切菩薩明燈除滅重闇菩薩淨
水珠滅衆生心海煩惱垢濁菩薩如意寶珠

隨衆生心悉令滿足菩薩疾風速令衆生修
智三昧入一切智城我當云何能知能說彼
功德行讚歎稱量彼功德山觀彼功德知大
願風輪得真實地分別了知莊嚴大乘普賢
菩薩之所修行及諸三昧讚大慈雲善男子
於此南方有城名曰安住有優婆塞名曰不

動汝詣彼問云何菩薩學菩薩行修菩薩道時善財童子敬禮彼王遶無數帀辭退南行入法界品之六

尔時善財童子正念思惟大光王教思惟菩薩大慈幢行大慈為首隨順世間三昧出生不可思議功德願力長養菩薩不可思議堅

固智慧思惟菩薩不共之法思惟不可思議諸法實相思惟菩薩不可思議眷屬思惟菩薩不可思議眾事作是思惟已得歡喜心離欲心極踊躍心謙下心離垢心明淨心堅固心無畏心無盡心作是念時悲泣流淚復作是念見善知識則能出生一切功德起菩薩

行清淨正念陀羅尼出生菩薩三昧光明見一切佛雨諸佛法雲分別解說菩薩諸願出生菩薩不可思議智慧光明長養菩薩堅固諸根念善知識能離險道念善知識開示正路念善知識順平等法念善知識顯摩訶衍念善知識究竟普賢菩薩所行念善知識現

一切智城念善知識度一切法界海念善知識普照三世一切法海念善知識長養一切諸白淨法念善知識成滿一切諸賢聖法善財如是悲心念時如來使天隨菩薩天於虛空中而告之曰善男子其有隨順善知識教諸佛歡喜其有隨順善知識教近一切智於

善知識教心無厭故一切諸美悉現在前善男子汝詣安住王城不動優婆夷所是汝知識不久當見尔時善財從智慧光明三昧起漸漸遊行至安住城推問不動優婆夷今在何所時有人言善男子不動優婆夷在其家內父母守護親近眷屬周帀圍遶為無量眾

演說正法尔時善財歡喜無量即詣其門入彼家內見其宮殿金色光明皆悉普照觸斯光者身心柔軟尔時善財光明觸身即得五百三昧門所謂覺一切三昧門奇特幢三昧門寂靜三昧門遠離一切眾生三昧門普眼三昧門如來藏三昧門得如是等五百三昧

明身心柔軟如七日胎又聞妙香出過天人
前詣其所合掌恭敬一心觀察見彼形色天
龍八部諸姝女眾所不能及十方世界一切
女人無與等者容色妙絕十方無倫況有勝
者唯除諸佛其宮殿嚴飾十方世界無與等
者口出妙香十方世界無與等者其莊嚴具

十方世界無與等者其眷屬眾十方世界無
與等者何況有勝除如來眾如是勝妙不令
眾生起染著心其有見者除滅煩惱如梵天
王欲界煩惱不現在前其有得見此優婆夷
一切煩惱皆悉除滅十方眾生樂觀無厭除
明行足尔時善財見彼女人不可思議法不

可思議三昧不可思議無比妙色無量光明
網一切無障不可思議饒益眾生不可窮盡
諸眷屬海觀察不可思議身無有厭足尔時
善財以偈頌曰
常持清淨戒

精進修忍辱 譬如盛滿月 星中獨明曜
尔時善財偈讚歎已白言大聖我已先發阿

耨多羅三藐三菩提心而未知菩薩云何學
菩薩行修菩薩道我聞大聖善能解說願為
敷演尔時彼女以善語愛語答善財言善哉
善哉善男子乃能發阿耨多羅三藐三菩提
心我成就菩薩無壞法門修學菩薩堅固之
行得一切法平等地隨羅尼得一切法平等

法門得離有莊嚴三昧善財白言菩薩無壞
法門乃至離有莊嚴三昧境界云何善男子
是處難知難說善財白言唯願大聖承佛神
力為我解說我當因善知識信知分別正念
觀察一心隨順遠離虛妄解了平等尔時優
婆夷答言善男子於過去世離垢劫中有如

來應供等正覺名曰脩辭出興於世時有國
王名曰電光我為王女中夜寂靜廢音樂時
五百侍女皆悉昏寐我在樓上仰觀星宿見
彼如來在虛空中如寶山王天龍八部不可
思議大菩薩眾恭敬圍遶放大光明網普照
十方彼佛毛孔出微妙香我聞是香身體柔

輒心大歡喜恭敬禮拜一心合掌仰觀彼佛不見頂相觀身左右不見邊際相好莊嚴見無厭足善男子我於今時作如是念修何等業出生如是身長養如是身具足如是身清淨如是身自在如是身光明眷屬諸莊嚴具功德智慧三昧陀羅尼諸辯才藏不可譬喻

善男子時彼如來知我心念而告我言汝應發不可壞心除滅煩惱發勝妙心不著一切有發不懈怠心隨順深入方便之法發忍辱心調伏衆生諸惡心海發離癡心遠離一切諸生死趣發無厭心見一切佛心無厭倦發無知足心悉飲一切諸佛法雲發寂靜心以

一切佛方便隨順世間發守護心護持一切諸佛法輪發分別心隨其所應演說法實皆今歡喜善男子我於今時從彼如來聞此法教清淨法門求一切智如來十力所言不虛光明莊嚴清淨法身相好莊嚴如來眷屬嚴淨佛刹如來威義如來壽命我發是心時一

切煩惱聲聞緣覺金剛諸山所不能壞善男子我發此心已於閻浮提微塵等劫不生欲想何況其事於今所劫自於眷屬不生瞋心何況餘人於今所劫不生我見心況我所心於今所劫不生愚癡心不生無記心乃至胎中常起正念何況餘時於今所劫乃至夢中

見一切佛況十眼觀於今所劫聞持一切諸佛法雲未嘗忘失一句乃至世間語言尚不忘失況如來語於今所劫悉飲一切諸佛法海乃至世法亦分別知出生一切方便諸三昧門心無虛妄於今所劫受持一切諸佛法輪於法輪中不失一法乃至無有二智除化

衆生於今所劫見一切佛海及諸化佛於彼佛所滿足大願於今所劫於一切菩薩海所具足出生清淨善行海於今所劫若有衆生得見我者皆發阿耨多羅三藐三菩提心乃至不生一念二乘之心於今所劫於一切佛法乃至一句一味不生疑惑無有二想無

虛妄想無種種想無深著想無好醜想無愛
恚想善男子我初發心來常見諸佛菩薩及
善知識聞佛大願修菩薩行諸波羅蜜智慧
諸地無盡法藏普入無量無邊一切世界分
別無量眾生界不離清淨智慧光明除滅一
切眾生煩惱長養發起眾生善根隨其所應

悉能顯現未曾捨離微妙音聲其有聞者皆
悉歡喜善男子我入此無壞法門觀察一切
法平等陀羅尼顯現無量自在神變汝欲見
入唯然欲見尔時不動優婆夷入万三昧門
正念觀察所謂專求莊嚴正法心無疲厭三
昧門離癡莊嚴三昧門十力三昧門佛無盡
藏三昧門住如是等三昧門時十不可說佛
刹微塵等世界六種震動淨如瑠璃一一世
界中各見百億如來一一如來大眾圍遶放
大光明普照十方或現兜率天或現於一切
世界以妙音聲轉淨法輪乃至示現大般涅
槃時優婆夷從三昧起告善財言善男子汝

見此不唯然已見善男子我唯成就此無壞
法門為一切眾生說微妙法皆今歡喜諸大
菩薩遊行十方無有障礙如金翅鳥王悉得
眾生大海源底若見眾生有菩提因從生死
海而撮取之安置菩提譬如商人入大寶洲
專求如來十力大寶遊生死海教化眾生除

滅煩惱如明淨日消竭愛水開敷一切眾生
蓮華譬如疾風遊行十方摧滅一切眾生邪
見煩惱樹枝譬如大地長養一切眾生善根
如轉輪王以四攝法攝取眾生我當云何能
知能說彼功德行善男子於此南方有一國
土名不可稱城名知足有出家外道名曰隨
順一切眾生汝詣彼問云何菩薩學菩薩行
修菩薩道時善財童子頭面禮足遶無數而
辭退南行

十五紙

大方廣佛華嚴經卷第五十